

M307: Frauenfelder Flore (Bruchstücke)

- 0,4973 "d' in rvoke ih noh in gere
0,4974 von dv wizzint dc ih here
0,4975 dvr die steine niet in gie
0,4976 ih in sien niht andirs hie
0,4977 des man furhtin muoze
0,4978 min vnuhrt ih doh buoze
0,4979 swie vh selben dunchit guot
0,4980 ir sulnt rehte minen muot
0,4981 wizzin waz mih hare brahte
0,4982 frunt wande ih gidahte
0,4983 vb ih iemer heim chovme
0,4984 dc ih ein also frovme
0,4985 merre denne dirre si
0,4986 dvr dc gan ih hie dir bi
0,4987 dc ih einen wil heizin machin
0,4988 vn- alsame biwachin
0,4989 dc min golt si bihvot
0,4990 vn- dar zvo andir min guot
0,4991 dc ih legin wil dr in
0,4992 dvr dc bishowe ih in
0,4993 dc ih den list gelerne
0,4994 von dv bisehe ih gerne
0,4995 wie er innan were irbvwin
0,4996 woltint ir mir s gitrvwin
0,4997 vn- in wer ez vh niet ze smehe
0,4998 dc ih in innan gisehe
0,4999 mit vweren hvldin
0,5000 dc wolt ih iemer uirshvldin
0,5001 vn- were vh iemer holt
0,5002 sit ir niht ane golt
0,5003 dar inne bisliezzint
0,5004 ob ir mih danne liezzint
0,5005 dar in waz wvrre daz
0,5006 so gesehe ih deste baz
0,5007 vo- gebvwe- mengin shonen list
0,5008 der mir hie uzze ist
0,5009 leidor uirborgin
0,5010 ir ne dorhsint niet sorgim

0,5011 vwir quotes uor mir
 0,5012 wan ih han me shazzis denne er"
 0,5013 Wer were nv so herte
 0,5014 der sih des irwerte
 0,5015 dc er niet uirtorte
 0,5016 swenne er sprechin horte
 0,5017 also ernestliche einen man
 0,5018 ein dinc des er nie giwan
 0,5019 newedir sin noh gedanc .
 0,5020 mit svozir rede er in bitwanc
 0,5021 dc er sine- zorn v'lie
 0,5022 wande ir ne hortint nie
 0,5023 ein so ivnc chint wiser
 0,5024 so dc uil menec griser
 0,5025 niet baz giredet hete
 0,5026 er was so redere
 0,5027 siner worde so hvbislih
 0,5028 dvr dc bidacht ir sih
 0,5029 "waz han ih tumbir ma- gitan
 0,5030 ah leidir dc mih min wan
 0,5031 alse sere ie bitrvvch
 0,5032 ih sihe rehte dc ih loch
 0,5033 do ih an ime so uirstiez
 0,5034 dc ih in ein speher hiez
 0,5035 deme ist er harte vngilih
 0,5036 er ist edil vnt rich
 0,5037 vn- ioh so wol bicleit
 0,5038 mir hat min vnuirwizinheit
 0,5039 ih wene michil guot uirlorn
 0,5040 hat ih ine rehte irchorn
 0,5041 des moht ih han ginozin
 0,5042 sus ist mir uor bislozin
 0,5043 sin gvt alliz dc er hat
 0,5044 i ne bvze mine missetat
 0,5045 mit etelicher fvoge
 0,5046 er hat richeite genvoge
 0,5047 an shazze dc hor ih wol
 0,5048 o we dc mir des niet werdin sol"
 0,5049 Svozer rede er sih cehant
 0,5050 widir dc chint vndirwant
 0,5051 als er beste chonde
 0,5052 vnz er in bigonde
 0,5053 uirsvochin mit frage
 0,5054 "frvnt" sprac er "ob vh bitrage
 0,5055 so gant spiln har zi mir
 0,5056 ih in spile inwete welli-t ir
 0,5057 shazzafils old' in shinf
 0,5058 spil git guoten gilinf

0,5059	zi uirtriebinne den tag
0,5060	der sin niet uirtribin mag
0,5061	mit andirre vnmvoze"
0,5062	alse senfte vn- also svoze
0,5063	lat ir in ze spile
0,5064	do was ez chome- ce deme cile
0,5065	als er selbe gerte
0,5066	der bete er in giwerte
0,5067	vn- gie mit frode dare
0,5068	"frvnt" sprac er "nv neme-t ware
0,5069	wie hohe ir welle-t bieten
0,5070	ih wil mih hie spilis ginieten
0,5071	vnz ze naht vb ir wellent
0,5072	nv sezzint vn- zellent
0,5073	hvndirt vnze vf dc bret"
0,5074	der torwarte do tet
0,5075	als er ime uor seite
0,5076	der eine vn- der andire leite
0,5077	hvndirt vnze fur sih
0,5078	do was dc spil richelih
0,5079	Wer sol nv da giwinnen
0,5080	wan si spilint mit sinne-
0,5081	vn- wisliche beide
0,5082	doh wein ih flor sheide
0,5083	mit giwinne von dane
0,5084	wande er gidahte dar ane
0,5085	wes in daries undirrihte
0,5086	vn- bot allewege ce gesihte
0,5087	sin guot fingirlin
0,5088	waz steines dc mohte sin
0,5089	gidahte sin spilginoz
0,5090	vn- wart sin gire uil groz
0,5091	z irwerbinne den stein
0,5092	der also clar shein
0,5093	dc er die sinne uirlos
0,5094	vn- an deme spile wart sigelos
0,5095	des was der helt wol wert
0,5096	wande diche swer ce uil gert
0,5097	un- ce uil bigriffit
0,5098	vil lihte deme insliffit
0,5099	dc minre vn- dc merre
0,5100	der edil ivncherre
0,5101	an ime wol gesach
0,5102	wie leide ime da uone gishah
0,5103	dc er hate uirlorn
0,5104	do gistilt er sin zorn
0,5105	so man mit gabe tuot
0,5106	daz er wart baz gemuot

- 0,5107 als in daries lerte
0,5108 sinen mvot er do bikerte
0,5109 ze guote widir in
0,5110 alse svoze ist der giwin
0,5111 eime swache gimvoten man
0,5112 den nieman sus giwinnen chan
0,5113 dc in guot vbirwindit
0,5114 uil lucil ieman findit
0,5115 deheinen man so stete
0,5116 dc er niet missetete
0,5116a vn- den guot nietuirriete
0,5117 vmbe alse gitane miete
0,5119 als er rewnshin chonde
0,5120 ih wene ieman der svnde
0,5121 in d' welte si so bihvot
0,5122 iz in si ein so uestir mvot
0,5123 der sih gar an got virlat
0,5124 vn- quotis lucil ruoche hat
0,5125 Als ih nv sagin bigonde
0,5126 so uirtribin s die stvnde
0,5127 vnz dc der abint cham
0,5128 mornons taten s alsam
0,5129 wan in der torwarde bat
0,5130 chome widir an die selbe- stat
0,5131 swann er wolte gan uon dan
0,5132 des hat er reht wan er giwan
0,5133 allewege swi ez irgie
0,5134 vn- irwerte er doh nie
0,5135 vf dem brete nehein spil
0,5136 floirs milte was so vil
0,5137 swie dich er gewin tete
0,5138 so gab er n wider ane bete
0,5139 deme torwartan gare
0,5140 dar zvo swaz er dare
0,5141 sines quotes brahte
0,5142 vnz ienre gidahte
0,5143 "herre got waz mag diz sin
0,5144 dirre ist gar guldin
0,5145 in turit guot so cleine
0,5146 i ne weiz waz ez meine
0,5147 er hat mir liebis uil gitan
0,5148 wan solt ir dicke har gan"
0,5149 Mornons cham er vn- brahte
0,5150 do z deme inbize nahte
0,5151 zi sime spilginoze
0,5152 tusint unze in sinre shoze
0,5153 vn- den choph in der hant
0,5154 wan des was er uor gimant

0,5155 als ir wol hant uirnomen
0,5156 nv was er groz willechome-
0,5157 dvr den shaz den er trvoc
0,5158 wande d' ist oh noh ginvoc
0,5159 den er lieb chomende were
0,5160 do chvrze ih vh dvo mere
0,5161 wande floir giwan
0,5162 deme torwarten an
0,5163 sinen shaz allen
0,5164 do bigond z ime missevalle-
0,5165 die chvrzewile sere
0,5166 doh gab er ime dvr ere
0,5167 nah des wirtis lere rate
0,5168 sin golt alliz dc er hate
0,5169 an ime giwunnen vbiral
0,5170 des was nah rehtir zal
0,5171 tusint vnze old' baz
0,5172 vn- gab ime ane daz
0,5173 tusint vnze dar zvo
0,5174 die man ime hvote frvo
0,5175 vzzir sime shazze wag
0,5176 wan dc niema- irfulli- mag
0,5177 ein also endelosiz hol
0,5178 da mitte moht ir doh wol
0,5179 shazzis sat wordin sin
0,5180 were eht nv der choph sin
0,5181 den floir noh hat
0,5182 so were wordin rat
0,5183 allis des ime ie gibraest
0,5184 diz ist noh ein sorgin last
0,5185 der in sime herzin lit
0,5186 iemer vnz er n ime git
0,5187 Doh was er fro vn- geil
0,5188 dc er also groz heil
0,5189 an deme spile biiagite
0,5190 dar vmbe er ime sagite
0,5191 gnade vn- grozin danc
0,5192 alliz vf den clanc
0,5193 z erwerbinne den choph
0,5194 wande in dvnhete dc d' chnoph
0,5195 ein charphvnchil were
0,5196 dvr dc was ime swere
0,5197 ob er ime solte ingan
0,5198 vf den erren heilis wan
0,5199 chert ir sin fliz dar an
0,5200 vn- sprac als ein wisir man
0,5201 "A hi svozir spilginoz
0,5202 vwir gebe ist so groz

- 0,5203 die ih vo- vh han inphangin
 0,5204 war vmbe dc si irgangin
 0,5205 des in weiz ih andirs niet
 0,5206 wande ob is iemer not gishiet
 0,5207 so uirshvld i z ob ih mag
 0,5208 girvochint ir disen tag
 0,5209 mit spile bc uirtribin
 0,5210 ir ne dorfint niht bilibin
 0,5211 vngispilt umbe daz
 0,5212 ob ir ne wizzint waz
 0,5213 vn- welh wert ir sezzint
 0,5214 wande swie hohe ir mir wetint
 0,5215 disen choph an deme spile
 0,5216 des n ist niht ce uile
 0,5217 wande er dunchit mih guot
 0,5218 er ist so garwe bihvot
 0,5219 valshir itewize”
 0,5220 floir sprah “nah inbize
 0,5221 chvm ih her gibetint ir z
 0,5222 vnz dare gifristin wir z
 0,5223 vn- spilen denne vnz ce naht”
 0,5224 dv rede wart so menegir slaht
 0,5225 von me choph vndir in
 0,5226 vnz er wart ane sin
 0,5227 der den turn da bisloz
 0,5228 wan sin gire wart so groz
 0,5229 wie er solte irwerbin
 0,5230 dc er rehte wande irsterbin
 0,5231 ob ime der choph ingienge
 0,5232 nv gidaht ir wi er z an fienge
 0,5233 vmbe also grozin giwin
 0,5234 ze ivngist do gilat er in
 0,5235 dc er sant ime inbeiz
 0,5236 d’ torwarte sih do fleiz
 0,5237 selsener trahte
 0,5238 so er meist irzovgin mahte
 0,5239 vn- bot z ime harte wol
 0,5240 so man lieben gestin sol
 0,5241 des was er harte giflizzin
 0,5242 do si wan inbizzin
 0,5243 vn- eine bi deme andirme saz
 0,5244 ir newedire uirgaz
 0,5245 er ne dehte an sine sache
 0,5246 sineme herzin vngemache
 0,5247 ranc der torwarte
 0,5248 nah der gebe so harte
 0,5249 ime wart so not
 0,5250 dc er ime bot

0,5251 goldis wol zwei tvsint marc
 0,5252 also groz vn- also starc
 0,5253 wart dar nah sin girinc
 0,5254 "nein ih" sprah d' ivngelinc
 0,5255 er ist vmbe shatz niht feile
 0,5256 er wart mir so ce teile
 0,5257 dc mir harte missezeime
 0,5258 ob ih vwir golt neme
 0,5259 vmbe also lucil dingis
 0,5260 des choffis vn- des gidingis
 0,5261 wil ih vns beide irlan
 0,5262 ir sult in vh uirgebine han
 0,5263 ob ir s girvochint von mir
 0,5264 vf die gidine dc ir
 0,5265 wol gidenchint dar an
 0,5266 ob ih s vh har nah irmane
 0,5267 dc ir mir helfe sint gireit
 0,5268 ob ir mih in erbeit
 0,5269 gisehint in deheinir not
 0,5270 "solt ih" sprac er "ih den tot
 0,5271 dvr vh denne chiesin
 0,5272 so wolt ih e uirliesin
 0,5273 den lib e ih vh lieze
 0,5274 vn- ob mih irdrieze
 0,5275 hinnan furdir iemer mere
 0,5276 ze fvrdirne vwir ere
 0,5277 so giswiche mir got
 0,5278 ih wil vwir gibot
 0,5279 gerne leiste iemer me
 0,5280 ioh swie hoh iz mih biste"
 0,5281 Vor frovde fiel er ime ce fvoz
 0,5282 "nv wil ih" sprac er "vn- mvoz
 0,5283 mineme herren irzeigin
 0,5284 wer ih tusint stu-t sin eigin
 0,5285 dc ih ime des willin min
 0,5286 niht gitrvvir dorfte sin
 0,5287 denne ih vh wesin wil
 0,5288 liebir herre vn- oh gispil
 0,5289 nv inphahint mih ce man
 0,5290 vn- chiesint dar an
 0,5291 dc ih niemer gisheide
 0,5292 mit liebe noh mit leide
 0,5293 von vh vnz ih lebe
 0,5294 i ne mag so grozir gebe
 0,5295 zehant niet baz uirgeltin
 0,5296 vn- wizzint dc uil seltin
 0,5297 iemen in disen richin
 0,5298 sime herren mag giswichin

- 0,5299 vo- deheiner slahte notin
 0,5300 wande er lieze sih e totin
 0,5301 denne er ime abe gienge
 0,5302 fvr dc er in ze man inphiege"
 0,5303 Froir was der rede frov
 0,5304 vn- stunt sin gimvote ho
 0,5305 vf ein so guten giheiz
 0,5306 sit er in so gitrvwin weiz
 0,5307 swenne er in ze man inphat
 0,5308 ob ez in niet baz uirvat
 0,5309 dc er doh mit trvwin hilt
 0,5310 von dv hat er wol gispilt
 0,5311 vn- ein nuzze vart gitan
 0,5312 zehant bat er in vf stan
 0,5313 vn- inphienc in ce man
 0,5314 alliz dc er ie giwan
 0,5315 dc ne het en niet virvangin
 0,5316 in were diz niet irgangin
 0,5317 er ne movse sin uirlorn
 0,5318 old' den giwerb han virborn
 0,5319 der in da ce sinne twanc
 0,5320 des sag er deme wirte danc
 0,5321 der ez ime giriet
 0,5322 vn- ime alliz bishiet
 0,5323 als ir nu uolendit hat
 0,5324 diche wisis mannes rat
 0,5325 wisin man ze gvote irgat
 0,5326 swer wisin rat uirstat
 0,5327 vn- sih dar ane uirlat
 0,5328 der ist bihvot uor missetat
 0,5329 "So wol mih" sprac er "dc ih bin
 0,5330 vo- vh sichir hinnan hin
 0,5331 alles des ih vh sage
 0,5332 vn- swaz ih chvmbirs trage
 0,5333 dc vh der ist gimeine
 0,5334 iz ist ein not swer eine
 0,5335 ane gesellin treit
 0,5336 nahe gandy herzeleit
 0,5337 in sime herzen uirborgin
 0,5338 alse lebe ih mit sorgin
 0,5339 ane trost helfelos
 0,5340 iemer sit dc ih uirlos
 0,5341 allis liebis wunne
 0,5342 dc mir noh got gunne
 0,5343 ob iz sin gnade sin
 0,5344 z endinne den willin min
 0,5345 der ist vh noh vnchvnt
 0,5346 ih wil ez vh dvr den mvnt

0,5347 vffe rehte trvwe sagin
 0,5348 wan ih mvoz mit vh biiagin
 0,5349 dc dar nah ih wirbe
 0,5350 ob ih ioh zehant irstirbe
 0,5351 in deme turne da inne
 0,5352 ist eine min frvndinne
 0,5353 dv ist . Bl' ginant
 0,5354 dvr die cham ih in diz lant
 0,5355 ih in shvof niet andirs hie
 0,5356 dv was min frvndin ie
 0,5357 sit ih erest wart geborn
 0,5358 oh hat si mih irchorn
 0,5359 ze frvnt mit rehtir stete
 0,5360 vnz vns bosir lute rate
 0,5361 dvr uelshen nit vn- dvr haz
 0,5362 ih ne weiz andirs vmbe waz
 0,5363 ze sheidinne girietin
 0,5364 nv mvoze vh got gibietin
 0,5365 dc ir trvwe an mir begant
 0,5366 als ir mir gilobit hant
 0,5367 so wirt min angist cleine
 0,5368 wan ir bint der eine
 0,5369 d' mir hie gihelfin mag
 0,5370 i ne ger niet ein tag
 0,5371 ze fristinne min lebin
 0,5372 mir ne werde ein trost gigebin
 0,5373 so nahe gandie rvwe
 0,5374 nv gidenchint an die trvwe
 0,5375 die ein man sime herren sol
 0,5376 ih mane vh des bidarf ih wol"
 0,5377 Der rede irshrahc er sere
 0,5378 "nv sint" sprac er "min ere
 0,5379 lib vnt gvot in freise
 0,5380 mih mvoz vwir reise
 0,5381 leidor hohe gistan
 0,5382 waz han ih tvmbir ma- gitan
 0,5383 dc ih sus bitrogin bin
 0,5384 vwir golt nam mir den sin
 0,5385 dc ih vo- vh han inphangin
 0,5386 sit dc ist irgangin
 0,5387 dc wirt mir wol ce leide
 0,5388 ez ist wetlih dc vns beide
 0,5389 vwir vart girvwe
 0,5390 o we dac ih niet vngitrvwe
 0,5391 werdin mag mit fvoge
 0,5392 so hat ih wizce gnvoge
 0,5393 dc ih mih iemer bihvote
 0,5394 vor so frvomedeme guote

0,5395	wand iz harte missezimet
0,5396	swer guot an dvrsten nimet
0,5397	dc han ih nu irsehin
0,5398	sit iz abir ist gishehin
0,5399	so sult ir rehte wizzin
0,5400	dc ih iemer bin giflizzin
0,5401	allir vwir eren
0,5402	swa ih si mag gimeren
0,5403	vn- dc ih niemer swi ez givare
0,5404	lib noh guot gispare
0,5405	dvr neheinre slahte not
0,5406	iz in ist niht wirsirs wan dir tot
0,5407	der mir da uone widirvert
0,5408	da mite ist mir vnrewert
0,5409	i ne bihalte swa ih mag
0,5410	mine trvwe vnz an den svontag
0,5411	Nv uirnement minen rat
0,5412	sit mih got gifvogit hat
0,5413	vh ce helfe vn- ce troste
0,5414	wande vh nieman relost
0,5415	vz den sorgin wan ih
0,5416	oh ist ez noh vmbe mih
0,5417	in auenture uerre
0,5418	ez in welle denne vnsir herre
0,5419	der is alles hat giwalt
0,5420	wir mvozin wisliche balt
0,5421	sin an dirre sache
0,5422	wil ez got ih gimache
0,5423	vn- irdenche den list
0,5424	dc ir noh in chvrzir frist
0,5425	in den turn choment z ir
0,5426	dar vmbe uolgit mir
0,5427	vn- tvont als ih vh sage
0,5428	choment hare vbir drje tage
0,5429	vn- svochint mih hie
0,5430	waz wir denne tuen old' wie
0,5431	des gedenche ih hinnan dare
0,5432	ih laze vh werdin giware
0,5433	dc ih vh wol guotis gan
0,5434	als eime herren sin man
0,5435	vn- vh niemer giswiche
0,5436	jh wil genendencliche
0,5437	beidv lieb vn- leit
0,5438	chvmbir vnt erbeit
0,5439	dvr vwirn willin lidin
0,5440	nv sullint ir heizin cirsnidin
0,5441	cleidir nah mineme rate
0,5442	vzzir eime bliade

- 0,5443 rehte rot als ein bluot
0,5444 der ist z eime dinge guot
0,5445 dc uns gefromet sere
0,5446 ih in sage vh nv niet mere
0,5447 waz wir bidurffin d' cleidir
0,5448 got inphlege vnsir beidir
0,6771 er en wolt z doh niet widir neme-
0,6772 wan als ime solte missezemen
0,6773 ob er ginese svndir
0,6774 dar ane merchint wndir
0,6775 wie gemeinliche si z alliz liten
0,6776 wan do si lange gestritten
0,6777 vn- ir newedirz der gilichin
0,6778 deme andirme wolte intwichin
0,6779 wande si haton einen sin
0,6780 do warf si uor zorne hin
0,6781 ir fingirlin dc gute
0,6782 ein herzoge der ir hvote
0,6783 der si fur solte bringin
0,6784 der hate den tegedingin
0,6785 wol gelosit uo- me steine
0,6786 dc er was der bestin eine
0,6787 der hvob in vf uil drate
0,6788 dvr sine tugint die er hate
0,6789 vn- was des harte fro
0,6790 do dc irgangin was also
0,6791 do chamen die givangin
0,6792 inmiten vf den hof gigangin
0,6793 vndir alle die menegin
0,6794 wie moht en do ze mvote sin
0,6795 do si nieman irchandin
0,6796 do warin si gestandin
0,6797 [...] [...]
0,6802 dar zv chonden si gibarin
0,6803 alse vnrechomenliche
0,6804 edilin chindin giliche
0,6805 dc nieman da ne saz
0,6806 der in mohte sin gihaz
0,6807 swie uil si haton missetan
0,6808 wande si warin so wol gitan
0,6809 swer si rehte ane sah
0,6810 dc er in sineme herzin iah
0,6811 dc si werin wol reborn
0,6812 dc wart da wol an in rechorn
0,6813 Nv uirnement ir gitat
0,6814 als iz dv welshe favele hat
0,6815 als habin wir fvr war
0,6816 floir hate shone har

- 0,6817 mjnre brvn denne ual
 0,6818 vnt was daz vbiral
 0,6819 also ze maze reit
 0,6820 sin tinne wiz vn breit
 0,6821 allir missewendi fri
 0,6822 clene bra da bi
 0,6823 als ez sih dar zvo gizoh
 0,6824 niet ce nidire noh ce hoh
 0,6825 nah deme wunshe garwe
 0,6826 vn- warin an der varwe
 0,6827 sines haris ginoz
 0,6828 [...] [...]
 0,6833 nach wunsche ebin vn- sleht
 0,6834 giwahsin wol vfreht
 0,6835 die shvof der natvre fliz
 0,6836 dv wangin rot vn- wiz
 0,6837 alse milh vn- bluot
 0,6838 der mvnt was oh bihvot
 0,6839 allir missewende gare
 0,6840 stetecliche roseuare
 0,6841 glih cene cleine
 0,6842 von wizzime helfinbeine
 0,6843 vn- dc chinne sinewel
 0,6844 shone hals vn- chel
 0,6845 Sin arme starc vn- lanc
 0,6846 die hende sleht vn- blanc
 0,6847 die fingere ane missewende
 0,6848 wol gishaffin an dem ende
 0,6849 die nagele lutir als ein glas
 0,6850 sin brvst wol irhabin was
 0,6851 vn- iedoh inmiten smal
 0,6852 dar zvo was er vbiral
 0,6853 wol gishichit als ein cein
 0,6854 er hate ritirlichv bein
 0,6855 vn- wol standin wadin
 0,6856 niht ze groz noh vbirladin
 0,6857 dc si heizint holn fvoz
 0,6858 sit ih ez gar sagin mvoz
 0,6863 an ime neheinre zirde
 0,6864 i ne mohte selbe fierde
 0,6865 gisagin noh birihten gar
 0,6866 wie rehte lucil an ime war
 0,6867 an allime sineme libe
 0,6868 oh was si shoneste allir wibe
 0,6869 in allir der swere
 0,6870 swie ubile ir ze mvote were
 0,6871 so doh uil guoten wandil hat
 0,6872 gvtir wibe vawe vn ir gitat

0,6873 Nv uirnement oh von ir
 0,6874 si was wnneclichi zwir
 0,6875 denne ih gisagin chvnne
 0,6876 gar der ovgin wunne
 0,6877 die si diche san an
 0,6878 als ein wib d' sih njeman chan
 0,6879 mit sehinne gisatin
 0,6880 si mohte wol mit gyotin statin
 0,6881 virkerin an ir minne
 0,6882 wolgimvotis mannes sinne
 0,6883 wan ir sheitele vn- ir har
 0,6884 was so lieht vn- also clar
 0,6885 dc ez glih golde gleiz
 0,6886 dar vmbe si sih doh fleiz
 0,6887 des tagis minre noh me
 0,6888 dv tinne wiz als ein sne
 0,7131 einer bette
 0,7132 sit er nie missetete
 0,7133 dc er des ginieze
 0,7134 wan swer in ce rehte lieze
 0,7135 so ne moht en niema- v'teinlin
 0,7136 o we dc er ie mit seilin
 0,7137 solte werdin gebvndin
 0,7138 er hat nu erst bifvndin
 0,7139 dc er nie me bifant
 0,7140 o we in twingint disv bant
 0,7141 ze sere an sinen armen
 0,7142 dc lant vh herre- irbarmen
 0,7143 vn- heizint in inbindin
 0,7144 ir mvgint wol irwindin
 0,7145 vwirs zornes an ime
 0,7146 den ih vh uil gar binjme
 0,7147 mit mime tode in kvrcir frist
 0,7148 nv seheint wie rehte shone er ist
 0,7149 dc solte vh wol ce herzin gan
 0,7150 swie uil er hati missetan”
 0,7151 Do hiez er ime bieten dar
 0,7152 sin swert vn- nam dc bar
 0,7153 in sine hant mit zorne
 0,7154 “nv sint ir dv uirlorne”
 0,7155 sprah der mvotueste
 0,7156 “mir tvot allerbeste”
 0,7161 dc nie liebe wart so groz
 0,7162 ane slag vn- ane stoz
 0,7163 strahte sih dv shone
 0,7164 dc in ioh got gihone
 0,7165 ob in dc niet irbarme
 0,7166 floir gifenc si bi dem arme

0,7167	vn- zoh fi har dan
0,7168	“nv bin ih doh ein man
0,7169	frowe gidehtint ir
0,7170	dc ir sturbint uor mir
0,7171	mines rehtes ist doh me
0,7172	wan der tot tvot minre we
0,7173	mannen denne wibin
0,7174	ih stirbe ir sult bilbin
0,7175	obe got wil wol gisvnt”
0,7176	mit deme worte ce stvnt
0,7177	als ir si dannan gitranc
0,7178	do wart sin bejten borlanc
0,7179	er uiel nidir vn- bot
0,7180	sin hobit oh in den tot
0,7181	rehte ingegin deme slage
0,7182	den ime der vngemvte zage
0,7183	gerne wolte han geslagin
0,7184	dv gyote in wolt is niet v'tragin
0,7185	si gifenc vn- in hvhte
0,7186	dc si abir dar girvhte
0,7191	beidiu gegin deme swerte
0,7192	dirre strit der werte
0,7193	vndir in lange stunde
0,7194	vnz ez alle die bigonde
0,7195	irbarmen die da sazin
0,7196	do ne mohte niema- lazin
0,7197	er ne mvose weinen
0,7198	wande were ein herze steinin
0,7199	so irbarmet z der strit
0,7200	iz ne wart nie da vor noh sit
0,7201	me nehein girihte gitan
0,7202	dc so ze herzin mohte gan
0,7203	so menegin ma- alse daz
0,7204	doh der ammiral were laz
0,7205	ze gnadon vn ze guote
0,7206	doh wart sin vngemvote
0,7207	dc er ie baz vn- baz intweih
0,7208	zi ivngist sanfte vn- weih
0,7209	rehte ce glichir wis
0,7210	alse daz ihs
0,7211	so ez smilzin biginnet
0,7212	vn- vo- der svnne- cirrinnet
0,7213	also cirgie vn- cirsleif
0,7214	do wer mannes mvot bigreif
0,7215	sines zornes galle
0,7216	wande si riefin alle
0,7221	“uirgebint herre virgebint
0,7222	ia ist iz wol dc si lebint

- 0,7223 waz eren wellint ir hie giwine-”
0,7225 do bigond er sih uirsinnen
0,7227 wie wol si ime da uor gifiel
0,7228 vo- deme gidanche ime inphiel
0,7229 dc swert vzzir der hant
0,7230 wande in dv trvwe vbirwant
0,7231 die er sah an in beidin
0,7232 so stete vn- vngisheidin
0,7233 dc si den tot niet intsazin
0,7234 do ne moht ir niet uirlazin
0,7235 er ne moste deste miltir sin
0,7236 des irfrovte sih dv menegin
0,7237 Ein herzoge sah do wol
0,7238 der oh trvwen was uol
0,7239 als iz do wol shein
0,7240 ez was der den stein
0,7241 vor dv fundin hate
0,7242 dc er in mit sime rate
0,7243 do wol ze staten keme
0,7244 vn- bat dc man jn virneme
0,7245 vn- sprac ginendecliche
0,7246 “ir herren armen vn riche
0,7247 ir hant alle wol gesehin
0,7248 waz wundirs hie ist gishehin”